

兩
浙
金
石
志

兩浙金石志卷十一

揚州阮元編錄

宋張巖龍華寺題名

開禧初元二月二十三日祀高禰廣陵張巖以叅知政事
充初獻齋宿龍華寺

右在龍華寺後費士寅題名之後摩崖正書三行字
徑一寸按宋史寧宗本紀嘉泰四年十月以資政殿
大學士淮東安撫使張巖叅知政事十二月同知國
用事開禧二年十一月以張巖兼知樞密院事

宋黃清真造像題字

口三主正一盟口弟子口妻正一延口保命口口黃清

真鑄太乙救苦天尊上答鴻休 皇宋開禧元年二月二日

右在飛來峯摩崖正書六行行字不等高四寸五分
廣四寸三分

宋沈寧造像題字

御前祇應沈寧同妻徐氏家眷等捨羅漢一尊 開禧元
年三月初九日鑄

右在飛來峰摩崖正書五行行六行高五寸廣二寸
五分

宋錢象祖龍華寺題名

開禧初元四月十一日雩祀上帝吳越錢象祖以叅知政

事兼同知樞密院事充初獻齋宿於龍華

右在龍華寺後摩崖正書四行字徑一寸在張巖題
名之後按宋史本紀開禧元年四月戊子朔以錢象
祖叅知政事兼同知樞密院事二年十一月罷
宋造像題字

食飯保傳同□□□ 開禧元年四月一日

右在飛來峰摩崖正書三行字不等高三寸廣二寸
五分

宋李壁龍華寺題名

開禧二年長至日祀昊天上帝眉山李壁以叅知政事充
初獻齋宿龍華

右在龍華寺後摩崖陳自強開禧題名之後正書四
行字徑一寸按宋史寧宗本紀開禧二年秋七月以
張巖知樞密院事禮部尙書李壁叅知政事

宋處州應星樓記碑

處州應星樓記

古枯士風彬彬著聞東浙口觀今昔韋布之彥搢紳之賢
舒翹揚英砥節厲操載之文章措諸事業大者光明雋偉
軌轍相望小亦代不乏才揆厥所元維見可攷蓋天之生
賢必有鍾賦非山嶽之炳靈則星精之毓粹仰觀乾象少
微四星在太微西士大夫之位也一曰處士明大而黃則
賢士舉在昔有隋處士星見因置處州然則吾州素號多

士衣冠文物之盛得非星分之應耶州治東南三百餘步有應星橋會城郭之水尾閭口下歸于大溪橋之西隅居民屋壤每遇溪流口漲必爲衝浸嘉祐間郡守崔公愈始作石堤以捍水患就橋立屋時遷歲久雨剝風頽庳陋不聳無以壯水口之勢士民僉以爲言歲在丁卯七月初吉郡守寺丞王公庭芝撤舊圖新敞以高樓載揭扁榜因以名之棟宇翬飛四顧軒豁山光水色儒官道口通衢列肆鱗差櫛比揔寓目前四序之間良辰清夜萬籟已收一塵不到高睨遠眺相羊其上如乘風馭如泛靈槎如據巨鰲之首如運大鵬之翼神舒意暢飄飄然有凌雲氣星辰可摘足以助胷中之磊隗者豈但侈土木之麗面勢之雄也

哉易曰天垂象見吉凶凡璇璣之運動分野之照臨得之
一身則爲一身之應得之一方則爲一方之應傳說之箕
尾蕭何之昴宿李白之長庚德星聚于潁川使星向于益
部歲星福于吳越各有其驗殆若桴鼓迺知是樓鼎剏宜
其上挹景緯之精下爲譽髦之應也公昔爲成均名士輟
從駕綴來守處士之邦自足友一邦之善士凡所建立又
能振起士氣其加惠于此固不淺矣爲士者盍亦激昂自
奮覽輝昭代揆魏科躋臚仕使聲名赫奕勲業顯著增光
少微不負口侯作新之意可也方時羽檄交馳在他人供
億軍需有不暇給公材力敏彊遇事輒辦獨能成此奇事
非特巍然一樓至如薤荒剔蠹填漏支傾靡廢不舉又知

節用愛人蠲諸已之逋負代下戶之供輸馭軍弭盜邦人
類能誦之併書于未以傳不朽云開禧三年孟秋既望朝
散大夫主管建寧府武夷山冲佑觀葉宗魯記觀文殿學
士金紫光祿大夫提舉臨安府洞霄宮何澹書

右碑篆額六字文二十行正書在麗水縣應星樓亭
內按處州之名秦曰閩中郡漢屬會稽吳曰臨海晉
曰永嘉隋開皇九年始置處州十二年改括州處士
名州之說僅見此碑猶婺之應婺女台之應三台分
野之末論也州治東南有應星橋嘉祐間郡守崔公
愈始作石堤以埤水患橋上作樓以祠星君歲久就
圯開禧三年守王公撤而新之此紀事之文也舊制

橋楯外置水閘設夫司啟閉以備水患今久廢故城
南洊遭水患有土者所當究心耳文云羽檄交馳處
州自方臘洪載之亂山賊時發文中慙敘王公政績
崔公作堤皆能捍患禦災而稽之故籍寂無聞焉金
石之所關如此何澹字自然龍泉人歷官御史中丞
叅知政事奉祠祿閑居十餘年寧宗以舊學眷遇甚
隆見宋史

宋黎民瑞玲瓏山詩

嘉定元載浴佛日同胡彥德何經叔來游次東坡先生韻
倚巖松古勢如龍峭拔層峯翠入空九折湍泉珠散漫遶
蹊斜石玉玲瓏青環木杪山藏寺碧擁亭高竹逗風策杖

共尋坡句讀登臨清賞興無窮雪上黎民瑞書住山行善
命工刻

右在臨安縣玲瓏山石門下摩屋正書十四行字徑
二寸

宋造像題字

嘉定元年五月六日明州比丘僧口口口年五十二歲捨
羅漢一尊保身宮康泰眼目光明

右在飛來峰摩崖正書四行字不等高四寸五分廣
二寸八分

宋重修義冢碑

寧遠記

開禧二年今兵部侍郎戴公溪爲司成有李迺功壽朋者
老矣不仕養于學謁司成具道太學有義家久弗葺司成
樂聞之亟訊其顛末云昔淳熙間故待制張公宗元以所
得分地七畝餘弃之學以葬遠方士子之不幸而死者名
廣惠山出清波門並城而南過劉寺五六里道梯子領步
漸高坡隴相屬至方家塢卽其所也山之東爲官衢西直
循王府山其南接民家方氏墓北距郎主簿山廣袤十有
五丈幽靜閒寂面勢頗稱舊有守者廩稍不繼棄之去以
故殯者少地益不治司成命學錄李君元白孫君瀾往視
之舊殯凡九各有表識喟然嘆曰朋友死無所歸於我殯
是非學校之責乎乃裒金錢加修焉卽土周而甃以石循

山址而繚以籬徹舊門而改作之增爲三間以備時祀之所廣出入之路復命守者給以券食旣成祭以安其神又定津送之費官以給之制時祀之式使歲舉行之榜曰寧遠司成之惠甚渥也嗚呼士不幸而死又不幸而貧或遠不能以歸葬則殯於此者豈不愈於寄之僧舍乎朋友致歲祀墓丁供洒埽政使有家殆不過是昔延陵季子葬其子於贏博之間三號遂行孔子以爲合於禮然則斯殯也而遂葬亦豈不可雖然庸廩不繼時祀不修則朋友義廢而寧遠之意荒矣尙其永念之哉嘉定元年九月日國子司業王介記國子錄陳一新書

條目如后一每歲清明舉錄前期闕諸齋每齋率錢叁鏹

省委公厨具鷄黍之屬至日舉錄一員輪請長諭二員同詣義冢致祭遇晴則行其儀用鷄黍從食果子共十豆酒各三酌墓神用鷄及果子共三豆酒亦三酌並備祝文香茶之屬祭畢以所饌給墓丁并隨行僕從元造長車貳隻用畢仍寄留墓丁家一兩學生員有不幸身故家貧地遠合葬義冢之人本齋長諭保明申舉錄備申本監請官會貳拾千充結砌等費委舉錄長諭及其鄉人營辦非就義家安葬者不給葬之日請本齋集正直日送至墓所一墓丁陳勝之月給係轉運司給到小券一名專充看守不許本監人輒行攙請如或運司給付不時許墓丁經監投狀本監卽與施行 陳之慶刊

右在杭州府學正書二列上列十九行行二十五字
徑一寸下列條目二十一行行十三字隸書額三字
按文寧遠之舉始淳熙待制張公宗元在方家壩廣
惠山舊志所謂寧遠阡也今山無廣惠之名梯子嶺
遊覽志作梯雲嶺方家壩今書作峪耐得翁都城紀
勝作方家谿皆古今異名也戴溪字少望永嘉人通
諸經從學者數百人登淳熙第累官太子詹事以經
學輔景獻太子親書明經扁其堂終工部尙書贈端
明殿學士謚文端著有易詩春秋論孟問答通鑑華
義將鑑岷隱集學者稱爲岷隱先生

宋楊慈湖手書參前碑

子張問

孔子告以言忠信行篤敬立則見其參於前

在輿則見其倚於衡夫所見者何也言而忠信實直无他

无意也无說也行篤敬无敢慢敬而已矣无意也无說也

此无意无說之妙虛明純白 曾子曰齔齔卽 文王不

識不知卽 孔子曰吾有知乎哉无知也卽 孔子曰純

德孔明易曰光大曰輝光曰光明書亦曰光詩曰學有緝

熙于光明皆謂如日月之光无思无爲而无所不照知所

謂見者見此也此見非思非爲動意焉則支則離則放逸

則怠荒則僞則欺不動乎意則日用平庸以此事親事親

純白以此事君事君純白以此臨民以此應變无所不純

白利害愈明是非愈白大哉 聖言簡深感 聖人所以

指誨學者如此切的著明故奉 同舍之命而書 嘉定
二年壯月同舍生朝請郎秘書省著作郎兼權兵部郎官
楊簡

重陽後二日立石于太學循理齋前之臺

此行篆書

刊者余逢辰

右碑在杭州府學高三尺二寸廣二尺二正書十六
行十八字額正書參前二字字大尺餘按楊簡字敬
仲慈谿人事蹟見宋史本傳師事陸九淵洞徹精微
學者稱爲慈湖先生此刻全講心性觀其告桂萬榮
所謂心之精神是謂聖者全是此注脚當時立石太
學咸淳臨安志載之有以也文元不以書名此刻端

莊流麗皆從篆隸出于八法外別樹一幟真西山曾
言慈湖楊公道德學問追媲前賢而于翰墨尤極嚴
謹四方書問無一字作行押絕類文正公可以徵其
齊莊中正形于心畫者矣

朱紹興府修學記

通奉大夫提舉江州太平興

下缺

中大夫右文殿修撰

新改知温州軍

下缺

辟雍海流冠帶環會五口口入三官有詩

天子之教也半林取芹口口展禮列坐正講下車延儒諸

侯之化也自京達之郡

下缺

拔才英恢廣士履皆所以口

民極植郡基口明六經杓準萬世非止區區工簡素

下缺

已越牛斗之壑舜禹踐存峯壑秀明江海襟包口氣磅

礪口口雲霞山川既口且下缺間探史氏服膺儒先經學

則虞翻楊下缺史學則趙彘口口謝沉靈運下缺文章則

虞世基下缺融夫鳳下缺弗廂英顧之姿口埃表厲下

缺古教化修治學官通昌斯下缺以師尙高用名士

則任延張口也下缺章王子尚也其曰此郡口風蹈雅彷彿

淹中春誦夏弦依稀河上宜穹儒下缺表顏延年之文

也然則口口庠序躬珮口口不在建侯乎乃庚午之秋郡

下缺泣于疇商窘于市官廬口口一無全居往往編口口

口口緝葦竹相與謀口口下缺也有門珣珣扁戟交煥有

廡翼翼槩斷孔下缺燎業得其所肄禮下缺蓋今帥

守直□□閣留侯以規□□其始

下缺

成也侯俶

下缺齋

者融虛者實凡百□□□暇□□特於儒璜萬金

下缺之

本充勺後先維昔孝宗皇帝擢自橐坐付之□□□□□

間父子相望

下缺

薄□□部內

下缺

寺士固有義也

訓垂

下缺

邈□□諸梁肅曰學

下缺

道政舉政汗

下缺也

□□子玉之言曰

下缺

聖以和邦國以□萬

下缺

右碑在紹興府學明倫堂額題篆書紹興府修學記

六字徑四寸碑文前後殘缺存廿行行書徑寸撰書

人名俱闕尋譯碑文有帥守直□□閣留侯孝宗皇

帝擢自橐坐及克勺後先父子相望等語攷留正於

淳熙二年以顯謨閣直學士出知紹興府其子恭亦

於嘉定三年知紹興父子皆著循蹟修學之舉殆倡
始於正而成於恭文云庚午之秋卽嘉定三年也

宋李仁永等玲瓏山題名

□□王□吳興李仁永沈□嘉禾潘□姑蘇馬□□開封
孫□□嘉定壬申八月十日來游

右在臨安縣玲瓏山九折巖摩崖正書六行字徑二
寸

宋鹿昌運墓誌銘

宋故朝散郎知連州鹿公墓誌銘

朝請郎右正言兼侍講黃序撰 朝請郎 尙書吏部

郎中黃宜書丹 朝散郎尙書兵部員外郎何剡題蓋

公諱昌運字會之世爲臨海人曾祖 贈右承事郎祖汝
爲贈宣教郎父何任朝奉郎直祕閣致仕累贈中奉大夫
承事 隱德弗 自 齋忠肅陳公謫居是邦承事
伯仲實從以游始爲儒家子孫相繼舉進士祕閣歷仕有
聲入爲屯田員外郎遷金部駸駸 用甫踰 服 請
老

孝宗嘉歎遷官二等爲朝奉郎

秘 衣 魚官

其一子以華其歸時

益公而下皆賦詩祖餞亡慮

百首歸

見一名堂倘徉其間

疏傳

遠矣公

自

善屬文

行起敬會祕閣挂冠

授將仕郎便養

蓋公

母事祕閣

不

忍頃刻去親側

迪功郎

司

軍丁祕閣

憂不赴服闋以

慶

修職郎王處之

邑素

藉散亡公

排之民賴以

無擾
闕事聞惡少十數輩

禽以抵法不顧

耶監倉中界至則

除

路米舟率願就中界交卸上官之交章論

薦改宣教郎

之龍泉縣龍泉

公務行安靜

催科不以鞭朴聽訟不以鉤距邑中不聞

疾呼而盛訟理整

其政績薦之於

朝而公

之意命其子營數椽于家之曰

同舍多在朝列競

獨恬然不以爲意

遂

之闕

天下

所萃出納之間敝倖迭出

布公正身奉法無所撓屈一載

例遷

公

留連

組以

陛辭之日

楮

敝則

析帛

供權時

又論

之敝則欲分責江上諸軍

達于

上下

議而施得

日課諸孫以自娛樂

明年七月十二日以疾卒于正寢實嘉定癸酉

積官

至朝散郎

以恕居官不

受私謁一介

以取諸人去之日如始至居鄉

出未嘗

于撓州縣祕閣有

聖書

無子公

再爲命 析屋惟均或謂祕閣私財不應抵分公笑曰何
我之薄也踈財 旦譽高之嗜 書濱 不

受延賓猶不廢舉子業預丙午壬子漕薦尤工於詩善狀
物 有益齋文藁藏于家 吳氏封安人先 十三

年卒子愿女二人長適國子進士吳學易次適進士應虞
孫男一人祖烈祖德女六人長適進士 衍次許嫁進士

吳 餘尙幼 以乙亥年二月壬寅葬于白竹山之原蓋
祕閣公阡塋之側也先期愿遣書敘公之行實來請曰向
者先君獲托寅恭辱知不薄願得銘文以垂不朽序惟公
質朴廉介士大夫中不可多得頃幸同僚相與之意甚深
其敢以固陋辭迺爲之銘曰

以見一之高尙兮足以振頽俗以瞻析之
今足以播其餘馥皆豐而施嗇兮天不可問並藏于白竹之原兮
清風滿谷

右碑篆額十二字文二十八行正書在臨海縣東鄉
白竹隄鹿伯可墓左按此誌剝落過半幾不可讀可
見者授將仕郎改宣教郎官龍泉又知連州積官至
朝散郎以嘉定癸酉卒有益齋文集藏于家前敘世
系與伯可文合惟伯可誌言君字伯可而不名此誌
有父何字當是伯可名二誌可互証也黃宜字達之
天台人淳熙二年進士歷官至敷文閣待制卒贈金
紫光祿大夫

宋沈鈺等玲瓏山題名

吳興沈鈺圭父蘇臺錢元忠子才口興口口口翁張口口
中嘉定甲戌仲春旣望口勸農偕來

右在臨安縣玲瓏山九折巖摩崖正書六行字徑三
寸按勸農偕來當是職守之人徵之舊籍皆無可攷
宋趙時侃龍華寺題名

嘉定乙亥人日司農卿趙時侃和仲丞黃瑾淳之丁熠晦
夫簿趙崇蘇口口口府卿胡渠口方丞口口子口齊礪利
用轉口李茂將作監趙希遠方口口口令圖

以下皆泐

右在龍華寺後摩崖正書八行字徑二寸餘五行已
下皆泐按咸淳臨安志趙時侃以嘉定五年八月四

日朝散郎守尙書戶部郎中除直煥章閣權知臨安府六年二月十五日除司農少卿兼知二十五日除司農卿兼知八年十月兼權工部侍郎免兼知

宋紹興府新置二莊記

嘉定七年越州初建二莊於諸暨縣古博嶺越之西皆海也水怒防失冒寶盆墜白楊市兩縣間蕩爲滄溟事聞

上遽頒經常命太守趙公彥俟築堤捍之起湯灣迄王家浦公又益以留州錢千餘萬役自秋復夏乃畢越人謝曰昔土塘而今石宜可久無患公愀然曰未也堤之始穴尺寸爾慢不省積歲月大潰矣今雖壯好後將復然石何能爲初民杜思齊獲罪家沒入公請買於安邊所別藏其租

以微補煩一也越爲郊畿而民不勝困卿相迭守而治反
疎鹵城堞營解無不弊缺聘問燕饗無不削損若夫命鄉
諭秀合樂以侑之古今常禮也然且寂而無聲數十年矣
公又歎曰越爲東諸侯率而簡陋至此況以貴傲世哉幸
吾在皆畧具而鹿鳴歌矣若異日何因思齊之餘又買諸
傅氏以待三歲之用二也余知公者故以記來請嗟夫政
未有不得其本而後成其未也故捍海之功臣而害原於
小舉士之費小而所關者大二莊之作趙公知之矣非特
此也券易米而致鏹三物相流通不貴糴矣持券索錢昏
暮無不與天下坐會子犯法相望不濫罰矣勤收而儉藏
以貫萬數者四十乙亥大旱舉以救民不病歲矣有本之

效也抑又有焉夫名峯異嶺在揚州蓋百千所獨會稽爲
鎮山越之奇勝峻峙擅於東南者以山也其深泉高瀑百
道爭流昔人浚而爲湖山之窈窕縈紆媚於越中者以湖
也湖今廢矣公能疏鑿以復漢晉之舊存王謝遺跡則治
越之美可垂無窮二莊區區又豈足爲公道哉雖然天子
召公歸矣嘉定八年□□□□葉適記□□曾槃書

右碑在紹興府學明倫堂嘉定修學記之陰文十七
行正書徑寸二分額篆書紹興府新置二莊記八字
徑四寸碑爲葉適撰曾槃書文中殘缺處以水心文
集補之按宋史趙彥俠傳嘉定間知紹興府復鹿鳴
禮置興賢莊以資其費築捍海石塘亦置莊以備增

翠山寶積移忠資福禪寺以戊寅夏五朔旦修治洪鐘

菩薩戒弟子曹說爲之銘銘曰

陽五經一陰緯集衆志成偉器寶惟金積乃備水土和火
房沸鯨鏗以木五行會端而脯虛而不匱在五天曰健椎
一擊聖賢萃二擊鬼獄罷對三擊萬物育天地位示有節
於域中廓無明於界外

成就不思議無量佛事豈直清韻度山翠

耆舊

行初
志謙

志密

志寧

如寄

志平

行嵩

正肅

頭首

行恢

志謙

可中

應昌

知事

行堅

懷古

志宏

志蔭

住持

懷堪

監作 智性

富陽縣匠手何良能男

富成志成

判縣羅季莊

比丘文靖 可止

公海制置司兼知慶元府趙孟倬

朝散大夫張儵

恭人史氏百九八娘

將仕郎張初倩

安人鄭氏再三十娘

安人張氏重十一娘

安人周氏淨堅

右銅鍾銘四面俱正書在鄞縣延慶寺按資福寺在
府西七十里後唐清泰元年建舊名總持院宋治平
三年賜四明寶積額乾道三年重建賜翠巖山寶積
額此云移忠資福當是賜額南宋大臣多有乞寺爲
守墓香燈院者而今勅額無徵也紀年戊寅乾道後
方有翠山字當爲嘉定十一年題銜有沿海制置使
宋史職官志制置使不常置掌經畫邊鄙軍旅之事
又有沿海制置使以明州守臣領之此趙孟倬實兼
其職而邑志未載女氏題名有史氏百九八娘鄭氏
再三十娘張氏重十一娘較之施財疏六十大夫五
十八娘子益爲新奇銘詞亦極詭譎也

宋趙善郊等靈隱題名

後儀趙善郊國安訓夫子美必愿立夫成紀李劉公甫宛
陵奚祝和甫開封向士逢吉甫古栢朱方叔君猷嘉定十
有五年末伏日避暑來遊

右在青林洞摩崖隸書五行字徑一寸

宋永靈廟加封勅牒碑

勅湖州德清縣新市鎮永靈廟顯佑侯朕自卽位以來修
崇祀典凡有功德於民者錫號加爵惟恐其後况爾神廟
食此方日兩日賜隨禱輒應部使者順民之請以狀來上
茲用申加二字以烜赫厥靈其益彰顯應民亦永永丕享
可特封顯佑通應侯

奉

勅如右牒至奉行

慶元二年八月日

告顯佑通應侯奉

勅如右符至奉行

慶元二年八月

右丞相鏜 叅知政事深甫 叅知政事澹 兼給事

中及之 中書舍人之璋

八月十二日午時都事任元中受

左司郎中鄭公 付吏部

右丞相鏜 叅知政事深甫 叅知政事澹 權吏部

尚書及之 吏部侍郎象祖

當鎮西社長屋保朱興邦男將仕郎佐次男 儀媳婦孫

男女家眷等施財立石命 金顯佑通應侯并 協

惠夫人

勅告姪進武副尉成遠篆額歲次 嘉定十六年五月

初九日謹題 禦溪周厚刊

右碑四列上三列勅文後書京鏜等銜名十二行下
列勅文四行後另記刊石年月蓋自慶元二年加封
後至嘉定十六年立碑相隔已二十七年矣明沈戩
穀永靈西廟記謂此年有封神妻協惠夫人事觀此
可證其非惠利字加于端平不當先有協惠也

宋重刊孔子廟碑

處州重刊孔子廟碑

自天子至郡邑守長通得祀而遍天下者唯社稷與孔子焉然而社祭土稷祭穀句龍與稷乃其佐享非其專主又其位所不屋而壇豈如孔子用王者事巍然堂坐以門人爲配自天子而下北面拜跪薦祭進退誠敬禮如親弟子者句龍棄以功孔子以德固自有次第哉自古多有以功德得其位者不得常祀句龍棄孔子皆不得位而得常祀然其祀事皆無如孔子之盛所謂生人以來未有如孔子其賢過於堯舜遠者此其效與郡邑皆有孔子廟或不能修事雖設博士弟子或役於有司名存實亡失其

所業獨處州刺史鄴侯李繇至官能以爲先旣新作孔子廟又命工改爲顏回至子夏十人象其餘六十子及後大儒公羊高左丘明孟軻荀況伏生毛公韓生董生高堂生楊雄鄭元等數十人皆圖之壁選博士弟子必皆其人設講堂教之行禮肄習其中又爲置本錢廩米令可繼處以守廟成躬率吏及博士弟子入學行釋菜禮耆老歎嗟其子弟皆興於學鄴侯尙文於古記無不貫達故其爲政知所先後可歌也已乃作詩曰

維此廟學鄴侯所作厥初庠下神不以宇先師所處亦窘寒暑乃新斯宮神降其獻講讀有常不誠用勸揭揭先哲有師之尊使聖嚴嚴大法以存象圖孔肖咸在斯堂以瞻

以儀俾不惑忘後之君子無廢成美琢辭碑石以贊攸始
朝散大夫守國子祭酒賜紫金魚袋韓愈撰

舊碑題元和十三年李使君繇經始碑文及置石大和三
年歲次己酉六月朔廿五日癸酉敬使君僚建立朝議郎
權知處州司馬上柱國任廸書兼篆額

皇宋嘉定十七年閏八月初吉朝議大夫直龍圖閣提舉
建康府崇禧觀賜紫金魚袋陳孔碩重書并題額

朝奉郎權發遣處州軍州兼管內勸農事借緋王夢龍重
立

皇明嘉靖癸未春三月吉旦奉政大夫浙江處州府同知

長洲王倬校補 陳弋新摹刊

右碑篆額八字文分四列每列俱篆書末有明嘉靖間校刊題款二行在麗水縣學宮昌黎此文爲世傳誦刻石大和間不知毀于何時此嘉定時陳孔碩重書篆筆頗有北宋石經遺意此碑當時有杜牧碑陰記六百餘言大指謂稱夫子之德莫如孟子稱夫子之尊莫如韓吏部應刻在原石世不得而見之矣陳孔碩有重修府學文云孔碩幸得尸教事而相斯役疑亦當時山長之屬歟

宋妙行寺石幢

大悲圓滿陀羅尼神咒

咒文不錄

皇太后殿幹辦官李訓武等伏見皇太后殿蓋造北園房

朝集衆再禱籤得吉開

闕

到□□所居修□□□就求

闕

其事□□菴歸寂因循至

闕

旨茲山聞感應事□然興歎

闕

之餘直述始末以記歲月云

闕

解進士盛□□百拜謹

記□□□淮西置使司

闕

□賜□智□□□勅差住持

闕

右在法雲寺正書二十一行碑斷存上截存十餘字

篆額十二字下刻觀音放光像是碑存字無幾大約

澹軒之子爲親資福忽遭觀音放光免解進士盛某

爲之記也進士名闕萬厯府志作盛度菴上闕字明

潘晟重修慧因寺記作易菴謂寧宗朝有易菴禪師

闕揚大乘御書易菴二字賜之

宋高麗寺尙書省牒碑

尙書省牒

行書

前住持平江府華嚴寶塔教院僧清遠

行書

牒奉勅宜差住持臨安府南山高麗慧因教寺牒至準勅

故牒

行書

寶慶叁年正月日牒

尙書省印

行書

叅知政事薛押

少師右丞相魯國公押

行書

尙書省牒僧清遠

尙書省印二

行書

臨安府狀准尙書省批送下南山高麗慧因教寺知事僧
慧機狀本寺住僧如訥已於拾貳月貳拾伍日歸寂切緣
本寺目今期懺在卽難以久缺住持乞付臨安府下諸山

公定期集有道行講人前來住持後批送臨安府公定伍
名申尙書省本府除已遵稟指揮送僧司集諸山公定伍
名申府去後今據僧司申繳上天竺靈感觀音教寺住持
僧思義等申集諸山禪講就上天竺寺白雲堂雲集公定
期集口僧清遠等五名一口住持平江府吳江縣華嚴寶
塔教院僧清遠一見住持紹興府口口口教寺僧如介
一前住持嘉興府華亭縣口口教院僧懷口一前住持紹
興府如意教院僧宗口一見住持嘉興府口口口福教院
僧口果其口僧各有道行堪充于內點差前去住持思義
等同諸山禪講保明是實乞備申施行本府據申述合行
具申朝廷施行伏候旨揮正月貳拾叁日奉聖旨依口僧

清遠今尚書省出給勅牒

楷書十三行

付南山高麗慧因教寺寶慶叁年正月貳拾叁日

大楷字二行尚

書省

印一

少師右丞相魯國公押封

尚書省印二

右在法雲寺凡三列三十行此寶慶三年牒清遠爲

高麗慧因寺住持也此牒最爲詳盡由本寺知事申

府下諸山定指揮僧司再就上天竺寺白雲堂雲集

公定申朝廷候旨揮下尚書省出勅牒付本寺焉白

雲堂上天竺寺坐白雲峯故名莫考厥初至辨才法

師重建

宋它山廟加封勅牒碑

勅慶元府鄞縣小溪鎮它山遺德廟神治水化民咸思歌
之奉嘗百世近民之吏其愛利流於無窮而人之報之亦
思爲無窮不惟義所當然蓋理之所必至也爾神在唐大
和令于鄞鄮夙有惠政史冊書焉築堰迴流灌田萬頃歷
載四百遺迹如新師言具孚開以侯爵褒綸表號永綏廟
饗用慰一方甘棠之思且爲當代循吏之勸可特封善政
侯奉

勅如右牒到奉行

寶慶三年正月十七日

少師右丞相魯國公彌遠

左叅知政事誥

右叅知政事極

給事中清之

中書舍人暨

都事王吉甫

太府卿趙化天

吏部尙書清

侍郎暨

右牒文八行銜名三列每列三行俱正書在鄞縣它
山廟按四明諸水盡瀉之江唐大和中縣令王元暉
相地勢謂大江夾諸山直上接平水而溪所從來者
高至它山始兩岐之水稍散漫而江北唯茲山四無

所麗故謂之它山

宋麗水縣奏免浮財物力劄付碑

戶部申準紹定貳年捌月貳拾柒日都省批下承議郎權發遣處州軍州兼管內勸農事借緋臣葉武子奏右臣一介草茅遭遇

明時

陛下不以臣爲不肖

畀以郡符

陛辭之日嘗

奏陳州縣虐取之弊親承

玉音謂今之守令政是不恤民所以多至虐取臣卽

奏容臣到郡爲

陛下牧養小民不敢有負

臨遣臣自入枯蒼適值極弊民不聊生臣一意撫摩捐逋
釋刑凡害

尙有爲民害而未去者臣請爲

陛下言之臣聞天下之事有形者易察無迹者難稽枯蒼
爲郡地狹而瘠民勞而貧浙東七郡枯最爲下經界久廢
姦弊百出惟負郭麗水一邑前任知縣奉議郎林斐獨能
極力修舉今已迄事夏稅秋苗整整有條然猶有法窮而
人無所容其智力者苟不爲之痛加革去則民之受害猶
未已也臣竊見本州柴縣自兩稅之外復有和買而和買

所敷則起於物力物力有貳有實業物力有浮財物力所謂實業物力者其在麗水以壹畝而論極高者爲錢伍貫玖百文極下者爲錢伍百或肆百文紹興間每貫敷絹叁寸捌分玖釐積而成匹則折價錢肆貫陸百捌拾文履畝起敷無異地征故高下易見所謂浮財物力者不問田畝之有無凡行商坐賈負販營生之家視其財利之豐約以爲物力之多寡計利起敷頗煩手實故高下難明紹興間統壹縣物力除伍等浮實並免敷外所可敷者自壹等至肆等實業物力捌拾陸萬捌千伍百餘貫浮財物力壹拾肆萬貳千餘貫通浮實計之總爲壹百壹萬壹千餘貫

祖頌 歲旣久姦弊日生上肆等戶往往詭寄於伍等

故物力日減紹熙中叅政張巖作邑日肆等而上浮實總計不過捌拾伍萬伍千壹百餘貫所虧已壹拾伍萬陸千餘貫於是每貫增作肆寸陸分起敷始及紹興壹百壹萬壹千餘貫元額自是而來其弊復作殆有甚於前日今林棐修復經界不敢過於紹熙肆寸陸分之數意固美矣然肆等而上既少於紹熙之時而起敷之數

紹熙舊例

宜其僅可以足實業之數而浮財之數未有所歸也今欲再與推排則此浮財久不推排而今復推排予奪高下詞紛紛未有底止今欲附帶實業均敷則經界已定况紹熙肆寸陸分起敷已是暗帶入鄉村浮財之數難以再科矣契勘此壹拾肆萬浮財物力爲絹凡壹千壹百肆拾

餘匹折價錢計伍千叁百餘貫近者州吏等盜用軍

資庫官錢事發臣已將各人斷配而簿錄其田畝填還官錢今不敢出賣止欲椿留此田以歲收苗利約計壹千餘貫爲民間代輸上項浮財物力尙欠肆千餘緡本州多方樽節用度自爲抱認豁去縣解之額庶幾他日汙暴之吏不得復肆而民間永霑無窮之實惠如臣言可採乞明睿旨行下本州以憑遵守謹具錄奏

聞伏候

勅旨後批送戶部勘當限五日申尙書省右本部契勘今承都省批下權發遣處州葉武子奏爲麗水縣浮財物力壹項本州抱認免敷人戶輸納事送部勘當本部今勘

當欲下處州從其所請將處麗等田產拘籍在官專一與民代輸浮財物力庶爲民間經久之利所有尙欠肆千餘緡更切多方撙節浮費措置補納以革煩擾伏候指揮右劄付處州從戶部勘當到事理施行準此

紹定貳年玖月 日

宋受

天命二淵與賦並歸于職

祖

宗惠祿征繕至薄枯田下下賴以無

異時多

事空和買之額秉畀齊民履畝衰征數等夏斂是名實業
物力甚則料檢納戶之橐籥秋毫折計又名浮財物力枯

小而蓄共二弗堪識者喈曰

上方宵旰民瘼苟有復焉從如環也

紹定二年春武子被

命承乏

玉音臨遣凜然守令虐取之戒武子祇

明訓是究是圖至之日麗水令林棐 卽功閱實文書

則實業物力十得八九獨浮財物泛罔底麗推排附帶役

不可再適以簿錄駟胥歲入代輸又省穡浮淫自任奇羨

要使邑永無此額 無此名八月上

閏九月

報

君門九重如響斯答枯之耄髦沐浴

天波驤聲雷動有以證識者之言不誣於庠仁哉三代君臣飢溺由已不是過邦祚靈長斷可卜矣顧茲曠舉武子綿薄力於何有惟

貽舍大恩宜登載堅珉使枯民世世子孫知一飮所原毋焉則太守事也武子又聞昔有河北使者欲再

權鹽託故人奏

其意蓋嘗刻記罷再權

詔書于癭木亭至是觴使者亭上使者見之心沮迄不

言今武子謹慕

朝命而私識其下誠慮他日萬一談小利者從吏如前則枯利復不夕食故竊倣騎山故事揭諸麗陽之祠庶區

區之心質之神明而無愧後之君子其亦仰體

朝廷子惠之仁俾勿壞哉紹定三年正月承議郎權發遣
處州軍州兼管內勸農事借緋葉武子謹再拜稽首書事
而贊曰

天子萬年

右碑碑額已斷祇存五字文兩列上列刻郡守葉武
子奏狀下列刻武子勒碑跋語俱正書在麗水縣麗
陽山按宋季弊政以括蒼瘠邑而浮財物力積至一
百一萬一千貫民不堪命武子能勘實其數不得已
仍存紹熙舊數而又以汙吏簿錄之田爲民代輸不
足者復自樽節抱認以之上聞從如環也觀其隆辭

之日卽陳虐取之弊釐正之後復恐後來言利者從
與如前故揭之金石質諸鬼神刊石于麗陽之祠斯
則仁人之用心當俎豆而尸祝之者矣舊志僅云懇
乞除豁未讀此文也

宋高麗寺尚書省牒碑

尚書省牒

大字行書

前住嘉興府東塔廣福教院傳賢首宗教僧如介

小字正書

牒奉敕宜差住持南山高麗慧因教寺牒至準勅故牒

大字

行書

紹定四年拾壹月日牒

小字行書尚書省印

叅知政事鄭押

知樞密院事兼叅知政事薛

少師右

丞相押 大字行書

尙書省劄 小字正書

臨安府狀准尙書省批送下南山高麗慧因教寺知事僧
可衷狀本寺昨緣主僧指堂講師自六月十四日順寂之
後見狀申明伏蒙指揮令皋亭寺主僧清杲保明道樞等
五名公狀卽賜點差一名前來住持後批南山慧因教寺
□事可衷等□案□皋亭主僧清杲舉保道樞等五名□
□卽賜點差一名前來住持事□月二十五日臨安府行
下集諸山□□伍名申尙書省本府□僧□□□□□
□□□□□□□□□□□□□□□□□□□□□□
□□靈感□□□寺僧思義等狀□從指揮闕集諸山禪

講就上竺寺白雲堂公舉到住持本府崇先教寺僧清泉
前住嘉興府常口教寺僧口覆前住嘉興府廣福教寺僧
如介見住平江府寶塔教院僧師口見住嘉興府口口教
院僧妙常共伍名各有道行衆所推仗堪可點差前去住
持爲國焚修祝延聖壽恩義同諸山保明是實乞備申尙
書省施行伏乞證會施行申口拾壹月拾貳日奉聖旨差
如介持南山高麗慧因教寺令尙書省出給勅牒細楷書十一行
右劄付南山高麗慧因寺紹定肆年拾壹月拾伍日小字正書
尙書省印

少師右丞相押封 大字行書

右碑在法雲寺凡三列二十九行此紹定四年牒賢

首教僧如介住持高麗慧因寺也此牒與寶慶勅大略相同惟令阜亭寺主僧清泉保明道樞等不由府定是當時體制間有出入也

宋封太學靈通廟勅牒碑

尚書省牒

大行書

存心齋諭學生林居雅篤信齋長學生黃恭服齋齋長盧方春齋諭林公槐親身齋長章汝鈞齋諭黃綱習是齋長朱應元齋諭龔琦允蹈齋長王日新齋諭陳一中存心齋長周或守約齋長陳季彊齋諭吳附鳳養正齋長張玘齋諭顏復之持志齋長水丘褒齋諭周景勵節性齋長陳鼎新齋諭蔡夢雷經德齋長姜文龍齋諭林杕誠意齋長高

嘉齋諭戴鑫率履齋長陳揚譽齋諭潘震孫循理齋齋長
胡夢高齋諭蔡廣時中齋長胡嗣家齋諭李時琇篤信齋
齋諭林旂果行齋長陳將齋諭陳士登務本齋長邵忱齋
諭閻丘成貫道齋齋長章士元齋諭黃時若觀化齋長徐
信卿齋諭臧元孫立禮齋長王若訥齋諭葉實劄子居雅
等竊見神祠之立國典所繫自太學初與廟貌隨建禋禴
祈禱靈異未易殫述如今歲五月初倉猝戢暴九月初潛
弭火警陰有感孚如響斯答惟是曩立神祠私以護學靈
通爲稱未該賜號近者生員陳懿孫形之夢兆以謂不當
私畀名稱合經朝廷陳乞神之有知能爲斯言揆之理義
殊合典制矧今際遇聖君賢相優崇學校若蒙寵榮特畀

恩秩命以徽號使神人兩安爲惠質溥伏候指揮以上小楷書十

行六

牒奉勅宜特賜靈通廟爲額封正顯侯牒至準勅故牒大行書

端平二年拾二月

尙書省印日牒小行書一行

同知樞密院事兼推叅知政事鄭押叅知政事崔下有未上

二小字右丞相押待進左丞相押大行書

勅太學靈通廟神古我先王各因其方以祠后土示有主
口口司我首善之地而不褒表之口口紹興建學爾以聰
明正直妥靈其間凡鼓篋而入解褐而去莫不駭奔走在
廟用物弘多厥靈炳著不但呵星妖叱鬼怪而烝我髦士

發揮斯文以爲邦家光斯亦有陰助焉矣錫之徽侯都以
徽號尙庶幾敬祭重祠之意可特封正顯侯奉勅如右牒
到奉行

端平三年正月九日

尙書吏部之印四以上行書
二列共十八行字徑寸餘

特進左丞相清之右丞相行簡叅知政事與之

下有未上
二小字

同知樞密院事兼權叅知政事性之事口谷夔兼權中書

舍人口正月十四日午時都事郭口口口口受倉部

郎中口口口崔端純

下有差除
二小字

付吏部特進左丞相清之

右丞相行簡叅知政事與之

下有未上
二小字

同知樞密院事兼

權叅知政事性之吏部尙書闕工部尙書兼權口口吏部

侍郎闕

右一列細楷
書十五行

告正顯侯奉勅如右符到奉行

右大行書三行
吏部之印三十一

尙書

主事徐元麟

權員外郎令史高之才

書令史周裕

主管院相

以上小楷
四行

端平三年正月十四日下

右行書一行
吏部之印四

尙書

右在杭州府學碑凡六列六十九行無額此述存心

齋諭學生林居雅等乞賜額事廟初以護學靈通爲

稱茲因陳懿孫夢兆之言請得賜額未有岳王爲土

神之說前列學齋曰存心曰篤信曰服膺曰親身曰

習是曰允蹈曰守約曰養正曰持志曰節性曰經德

曰誠意曰率履曰循理曰時中曰篤信曰果行曰務

本曰貫道曰觀化曰立禮存心凡二見計二十二齋

乾道臨安志載宣和以來六經齋十二日經德曰進
德曰炳文曰兌習曰頤正曰賁文曰蒙養曰時升曰
益朋曰履信曰復右曰賓賢建炎以來有六齋曰升
俊曰經德曰敦厚曰彌新曰賁文曰富文以此碑較
之爲最盛洵平理宗之爲理也

宋永靈廟加封顯佑通應侯勅牒碑

勅安吉州新市鎮永靈廟顯佑通應侯朕操慶賞之權以
爵有功其於神猶人也爾以晉永和之大將追周廣順以
啟封垂庇一方血食千古旱乾有禱響答如應比歲以來
靈異尤著蝗孽隨風而入水寇巢托夢以指迷旣功狀之
上聞豈寵章之可 侯封增二庸修神休加惠我民俾世

世享可特封顯佑通應惠利侯奉

敕如右牒到奉行

端平二年十二月八日

告顯佑通應惠利侯奉

勅如右符到奉行

左丞相肅國公行簡 右丞相與之

未上

叅知政事

性之 簽書樞密院事兼權叅知政事鳴復 兼給事

中彥誠 兼直舍人院仁佳

十二月二十六日午時都事郭受

戶部郎中兼左司趙以夫付吏部

左丞相肅國公行簡 右丞相與之

未上

叅知政事

性之 簽書樞密院事兼權叅知政事鳴復 權吏部

尙書

權員外郎洪

主管□ □

主事徐元

未上

令史高之才

書令史周謙

端平三年十二月二十六日下

右碑四列勅文三列皆行書勅尾後街名正書十三
行下列又刻勅文及年月四行中有銜名三行在德
清縣新市鎮文云永和大將廣順啟封皆本舊說也
又云蝗孽隨風而人水寇巢托夢以指迷絕似乾道
元年孚惠廟碑記神陸載蟲蠹菱蓮禱于神一夜風
雨掃盡有賊盜舟殺人禱于神刻期而獲二事是知
里民附和半屬隨聲而南渡偏安首先循俗也

宋南林報國寺碑

安吉州烏程縣南林報國寺記

奉議郎 書省著作佐郎兼四川制置副使司叅議官

李心傳撰 朝散大夫起居郎兼侍講李性傳書

朝奉郎試中書舍人兼權吏部侍郎兼同修國史實錄

院同修撰洪咨夔題蓋

自佛法入中囯而海內山水之勝率爲浮屠氏有之逮隋
唐而尤盛今六百年矣剏俗好佛故阿蘭若之在浙者滋
益多余爲史官時有人僧宗偉來見者曰吾永嘉人開禧
間尋師學道至湖烏程之南林愛其風土結小菴居焉時
未祝髮也南林一聚落耳而耕桑之富甲于浙右土潤而

物豐民信而俗阜行商坐賈之所萃而官未嘗譏征焉此
宜爲帝釋梵王之宮而木多有也吾嘗血指書報身佛所
說經一七卷口不訖誦鄉人胥信乃相與築祈年之地今
敷文閣學士眉山楊公時口祠部益捐金錢以爲吾助由
是佛法僧之所寓經鐘財之所舍與其他所目爲叢林之
制者次第而舉又度吾之徒積十有六人俾傳香火之奉
顧獨未有以名之也廼請于禮部得報國舊額而口焉因
求余文以措諸壁而余爲儒者也自計不當放浮屠氏之
言久未之許已而余鹵歸得請治艦于湖偉求不已余檻
其書而歎曰國家立郡縣之學以明人倫此儒者所當務
也而庠序之設返弗若僧廬之盛何哉爲浮屠氏者心志

專勤願力堅固故以誅茅刈卉衣荷食檜之餘而金碧翬
飛土木勝麗成於年歲之頃通都大邑或以百數而未已
也若郡縣之學一耳而爲牧者往往眎爲弃物曾不訾省
惟園亭館宇之爲尙甚弗獲已始捐其毫末以爲支傾補
壞之計其弗若一也浮屠氏之徒其用財也一髮不欺以
爲欺則有報也故人亦信之而予之也易甚或空囊鉢之
儲而無所靳今之教者莫大於夫子之學矣而養弟子之
貲或乃移之以供校官之雜費至於郡縣之間則周親故
資游謁入私用者無不有矣其弗若二也曩瞿之衛非可
用以理天下國者口然其徒之教人乃頡以識心見性爲
事而學校之所謂課試者特不過爲聲病剽竊之文以償

利祿溫飽之願而已蓋皆浮屠氏之唾棄而不顧者故曰
爲士者亦耻居之其弗若三也今偉之營是刹也一錢之
施弗敢私有銖積寸累汔于成就世俗之士當知所愧而
又奚議哉昔圜師爲崔趙公言出家是大丈夫事非將相
之所能爲李文公問藥山戒定慧之說藥山云欲保任此
事口高高山頂立深深海底行閨閣中物捨不得便爲滲
漏今之士大夫考其所爲滲漏多矣故名雖將相而實不
能爲大丈夫此浮屠氏所以下視而高勝之也余歸伏田
里方將營葺鄉校與門人朋友講習其理以淑一鄉之士
蓋嘗感於欽儼之言而猶思其弗逮也故因偉之請悉書
余所感者遺之俾歸刻之傳于四方庶有儆也端平元年

秋八月吉日記

宋嘉熙元年歲次丁酉三月清明日開山住持僧宗偉立石

右碑二十二行行五十字題額十二字俱正書在烏程縣南潯鎮南潯古名南林惟見此碑舊志云端平中學士陳益建此云眉山楊公捐金錢以爲助當從碑爲正李心傳字微之號秀岩井研人官太史游吳興悅山水之秀寓于郡城又相度弁峰建宅營墓名其齋曰太史弟道傳號東窗性傳號鳳山洪谷夔字舜俞於潛人嘉泰進士知龍州除秘書郎遷金部紹定六年爲禮部郎官除監察御史進吏部侍郎同修

國史又兼給侍中陞侍讀以病丐閑拜端明殿學士
領內祠卒謚忠文

宋南林報國寺碑

本寺伏承 大檀越華李七府幹名文勝自叔業以來凡
遇山門大小緣事無不施財發揚成就今劃一開具事目
于后

一施財貳伯貫文置造大錫花瓶并架子一對彫裝蓮花
二瓶充大佛殿供養

一施財貳伯貫文置造大鐵香爐二座充大佛殿觀音殿
供養

一施財伍伯貫文一力斲砌法堂三門兩廡地面

一施財叁伯貫文印置大般若經六百卷入寶藏

一施財叁伯貫文布漆銀珠大佛殿桐身柱肆口

一施財捌伯貫文置普賢黑光厨一口 一施財壹伯貫

文鞦造大法鼓一面

一施財叁伯貫文建造釋迦寶殿 一施財壹伯伍拾貫

文甃砌大佛殿地面

一施財壹伯貫文建造庫堂 一施財壹伯柒拾貫文鑄
造大鑊一口

一施財壹伯貫文建造鍾樓及普賢殿 一施財壹伯貫

文建造三門

一施財壹阡貫文建造千佛寶閣大柱捌口 一施財壹

伯貫文裝塑佛殿涌壁羅漢一龕

一施財捌伯伍拾貫文置到吳江縣界田貳拾畝連年收租十月十七日伏值先妻太君潘氏一娘子忌忌之辰啟建西資蓮社念佛勝會一永日設位供養資悼尊夷往生淨土者一施財壹伯貫文鑄造寶藏內壽山福海

右具如前謹刻堅珉請輪年知事僧循守成規嚴與修崇毋致更易庶幾圓滿願心因果不昧祈求現生之內福樂百年他報之中三嚴克備者

嘉熙元年二月日監寺僧立石

上缺頭首

右碑十九行額題檀越華七府幹布施之記十字俱
正書記當時建寺因緣及施財瑣細之事皆府幹李
文勝所施

宋諸葛廟造像題記

臨安府城東新九里松下菩薩廟焚修香火善友係嘉興
府行孝人事募緣刊鑿圓通聖像一龕并重建施水一所
祈求豐稔國泰民安上荅四恩三宥嘉熙元年四月初八
日嘉興府行孝善友義庵周覺圓謹題

右在艮山門外諸葛廟前正書十一行行字不等高
四寸餘廣一尺二寸此刻惟見艮山小志引咸淳臨
安志云蔡官人河在艮山門九里松又云樟木廟橋

在城東九里松大路蓋宋時不獨靈隱稱九里松也
今自蔡官人河受源處抵樟木廟橋正合九里之數
而松無一存名亦罕有知者施水一所不知何謂三
有誤作三宥

宋程公許等題名

雲臺散吏眉山程公許自武林過吳興訪罷太守東平劉
長翁命其子儒珍偕館客南鄭蘇垓漢嘉趙庭眉山王楠
載酒拉浚儀趙鎰夫自碧瀾堂放船登弁山頂觀太湖謁
祥應宮窺金井洞徘徊文節倪公雲巖走趙氏玉林飯九
曲池取瀟華院陟上方晚飲沈氏小玲瓏金井磨崖上方
刻柱皆口東坡先生寶墨嘉熙二年龍集戊戌維夏六日

右題名正書十一行在歸安縣黃龍洞在弁山之陰
有神祠歲祭益靈境也碧瀾堂在雪溪館後有杜牧
八分三大字祥應宮在黃龍洞側吳越特遣將軍吳
承裕投金簡于此因置宮焉金井洞嘉泰吳興志金
井在弁山東麓茗紀金井洞福地名山之一林屋之
別門也文節公別墅玉湖園在峴山旁取浮玉山碧
浪湖合而爲名經鉏堂在府治南雲巖世無傳者玉
林經鉏堂雜志城外有趙氏玉鑑園未知卽此否法
華院在弁山梁時尼道蹟號摠持得法于達摩居此
小玲瓏范成大騷鸞錄雪川有兩玲瓏山石林爲大

玲瓏又有小玲瓏在長興界路口尤勝今屬沈氏東坡先生以元豐二年四月二十九日移知湖州至八月徵赴御史臺在郡僅九十日嘗禱雨黃龍洞賦詩石卽此文所云墨寶也程公許宋史本傳字季與敘州宣化人嘉定四年進士知崇寧縣蠲免抑配金兵犯閬中公許通判施州節浮費疏利原民不加賦而用自足史嵩之相陰奪言職公許累上奏牘尋知袁州請蠲和糴之半民便之擢起居郎論劾鄭清之子士昌罪嵩之免喪公許疏乞下詔正邦典帝怒清之日夜短之遂屏居湖州者四年召爲刑部尙書疏時事七薦知名士二十九人尋卒贈宣奉大夫此題名

正屏居時也

宋永州通判王淦墓誌銘

宋永州通判王公朝奉墓誌銘

文林郎新平江府學教授江朝宗撰

昔孟子論故國不謂其有喬木而美其有世臣豈非以世臣之賢國所倚仗其遺風餘烈動人悟物足以維持數百年之遠況於其身與其與其子孫福祿蕃衍與國咸休誠無忝於世臣矣其源流豈無所自來哉攷其世祚可知也公諱淦字困道姓王氏五世祖諱遷贈太子太保居襄陽之穀城自其種德克邁積善有餘鄉人稱之爲無怨公故沅慶之遠實胚胎於此曾祖諱綱登元符進士第官至

朝散郎通判徽州贈少傅皇祖諱之望初以少傅遺澤補官辟監台州鹽倉因家焉秩滿詮試第一調處州錄叅未赴登紹興八年進士第考官將其魁選知舉爭之不合遂以爲黃甲第五人德行文章爲學者師被遇

阜陵參預大政終於資政殿大學士左太中大夫贈太師秦國公謚敏肅勲庸煒燿載在國史皇考諱鈞敏肅公第五子也孝友篤至綽有父風繇監牧遷總餉皆踐世職歷官朝議大夫直秘閣太府卿公佩服家訓篤志問學性識明了自幼穎悟年甫六歲伯朝奉大夫鏞見而異之以紹熙五年郊霈恩奏補嘉定三年銓中前列授迪功郎衢州戶曹未赴隨侍總卿入蜀奏辟總領所內機積粟安邊

屯營足餉多所裨 鶴山魏公見其丰神清邁喜敏肅之
有後及出所爲詩記稱其言近意到氣馥可仰手書序文
勉之任滿利路監司見知辟監利州昭化縣轉般茶庫部
押絹綱旌賞增秩監行在中界省倉出納唯謹和糴充裕
以職事修舉該賞轉官雖屢遊宦路而甞勉服勞無從事
獨賢之嘆蓋公廉勤公正視國猶家富路鉅公僉知其賢
且才交口稱薦惟恐或後如憲使陳公元勳侍郎曹公彥
約尙書魏公了翁尙書鄒公孟卿尙書楊公燿侍郎趙公
崇猷尙書袁公君儒並剡薦于朝以舉主及格改知衡州
衡陽縣衡陽視湖南爲壯邑財賦浩漭訟牒繁夥上官委
送無虛日公經畫有方酬應得宜催科則逐鄉置籍條列

姓名躬自點勘標引必信期限不迫人戶翕然樂趨上供不勞而辦聽讞則推究情狀行之以公曲直是非吏姦靡容民無枉濫之螫有冤獄數件如全州指使徐從義之子徐可大貨衡州趙秉義財物營生後徐可大不義逃閃其弟徐可久誣訴趙秉義夫婦謀殺其兄連年不決事關人命公竟得情遂雪其冤有朱大夫者其家貲富饒因被盜聞於有司手馬文捕獲邵大二等十餘人鞠勘解縣案欸將圖罪該重憲公察其辭情有差躬自審勘乃知馬文受賂逼抑供招復賂縣吏符合前欸冤不可伸幾陷誣枉賴公詳明皆得清脫有如疑似之獄紛不勝數惟公心平見定片言折服剖決明允前後書判積成平心集十卷可

攷高垓峒寇李保一者率衆騷焚蕩民居虜掠財物宛
勢猖蹶閩郡爲之驚駭憲臺命公激勵義兵前進殺賊公
被檄卽單騎就道奮不顧身號召義兵戮力前邁去賊僅
一舍間風奔遁潛回峒穴一境獲安丁酉歲歉細民乏食
公推誠勸諭上戶委之賑糶閩境士民感德慕義平價給
濟民保無飢凡可以卹下者靡不盡心樞相李公鳴復深
所推重舉以陞陟期以遠器衡陽乃外臺耳目所萃風波
嶮巇公政聲旣著輿誦攸歸適永口闕倅諸臺遂以公奏
辟驥足方展遽得疾而卒實嘉熙丁酉六月十日也享年
四十有八死之日弔者罷市送者塞路然後知公之愛民
民之德公其誠意格物非勉強能致也公天資寬厚輕利

重義親故婚葬無不樂助其有力不贍者周以月給衡陽
官所去鄉幾三千里子姪有孤弱無依者不憚裹糧般挈
之費與之同行人以急告則捐金周之不使徒手而去人
以病告則問證惠藥不倦療治其或財物久假不償者亦
未嘗過而問有以非理相干不遜忤意者後其人或遭患
難不惟不念舊惡抑且以德報怨惻然拔援尤有夫人所
難及者曾次坦蕩自號卻塵暇日飲酒舒暢吟詠聯篇有
卻塵集數卷存焉方敏肅公當紹興間總餉西師軍旅精
練邊陲乂安民物殷阜蜀人德之創堂扁曰二政彰其成
績以垂不朽越六十年而總卿繼踵前躅父作子述泉流
貨衍倉積用饒西南生齒復賴其澤前後相續典刑具存

公曰擊盛事嘗慨然有意於斯不幸齋志而往悲夫厯官至朝奉郎母胡氏繼吳氏俱封令人娶毗陵秦氏先公十九年卒封孺人子男一人榘文林郎新福州候官縣丞初孺人之喪公奉而葬於臨海縣義城鄉白巖山之原嘗預穿壙於其旁距總卿宅兆百步其孤不敢違先志謹卜以己亥十一月十九日甲申合葬焉襄事有日其孤來請銘其行余竊謂公之慶源演迤雖由於無怨公之所積而接踵膺仕者類皆藻明玉潔尊主庇民使家法懿範綿綿延延激而不墜則所以能世其家者何如哉朝宗昨守官邵陽去衡陽密邇嘗以書問往來聞公之喪歸以病未及一慟素知其孤之純孝克負荷先訓其敢以不文辭銘曰

上世積德如山如阜怨是用希傳誦萬口源深流遠培植
益厚載生賢嗣富哉抱負克播其芬克長其畝未 厥施
天嗇其壽令名不泯福霈于後 嗣延

右碑篆額十二字文正書三十四行在臨海縣南鄉
白巖寺按之望字瞻叔穀城人紹興間進士歷官大
府卿孝宗卽位除戶部侍郎疏請移攻戰之具以自
守自守旣固然後隨機制變擇利以應之與湯思退
意合遂叅知政事言者論罷以端明殿學士居天台
撰文者江朝宗宋詩紀事載爲括蒼人有詩名未及
其官教授按歸安縣儒學教諭題名記江漢字朝宗
嘉興路嘉興縣人至正十九年江浙鄉試備榜第九

名至正二十一年十二月之任名氏相同而年代懸

絕或卽紀事所云拓蒼人洪筠軒

頤煊

云嘉定赤城

志王之望襄陽人字瞻叔紹興初寓臨海子鏞知房
州銖知荆門軍鈞厯大府卿四川總領孫泮厯金部
郎官終知婺州而不及泮志又云王之望墓在臨海
縣南二十里定業院側院卽今白巖寺碑云葬於臨
海縣義城鄉白巖山之原距總卿宅兆百步是王氏
三世皆葬於此今唯泮碑存矣

兩浙金石志卷十一

連山綏徭同知錢塘何玉池刊

臨海洪瞻墉校